

I

Panihapon



Nakurat ang tanan nga
Sa tunga-tunga sa
panihapong
Iyang giandam,
Miingon si Nanay -
Mipahiyum,
naghinamhinam
Sa desisyong motudlo
Pag-usab sama kaniadto.
Nga buhaton pag-usab
Ang mahal nga propesyon -
Dakung tulubagon
Misyon sa Simbahan,
Ang mahimong katekista.
Wala naman natingala
Si Tatay ug mga anak
Tungod kanunay siyang
Naa sa Simbahan.
Pahinumdom ni Tatay,
"Ayaw lang kami
Hikalimti, pasagdi".
Mitubag si Nanay,
"Dili gayud Mahal,
"Kamo gihapon, una
Kong katungdanan".
Mipahiyum ang tanan
Sa laming panihapon
Ug human mokaon,
Si Nanay ra gihapon
Naghipos, naghugas.
Kini ang unang
Krus sa dalan
Sa katekistang - alagad,
Sakripisyong mabulukon.

II

Getsemani

Sa wala pa magsugod
Sa hagit sa katekesis,
Si Nanay mitambong
Sa matag semana nga
pagbansay
Bahin sa bibliya,
Mga dokumento sa
katesismo
Sa Katolikong Kristiyano
Ug Katolikong Pilipino.
Dili sayon
Ang maminaw pag-usab
Sa paring katekista
Ug catechetical directors
Tungod kay mas lisud
Itudlo sa husto
Ang pagtulun-an sa
Simbahan.
Sama sa pag-ampo
Ni Hesus sa Getsemani,
Adunay kasubo sa
pagbansay
Aron putli ang kaalam
Mahimong ipakigbahing
tunhay.
Kini ang ikaduhang
Krus sa dalan
Sa katekistang-alagad,
Sakripisyong mabulukon.



III

Sanhedrin




Malipayong gidawat
Ni Nanay-maestra- Ang
bag-ong katekista, Ang
iyahang tahas
Sa pampublikong
tulunggaan,
Gipangandaman nya ang
adlaw
Pagduaw sa eskuwelahan
Pag-atubang sa prinsipal
Aron kuhaon ang
iskedyul.
Upat lang ang kapilian:
Sayo sa buntag,
Tali sa recess,
Human sa paniudto,
O sa hapit na mag-ulian.
Sama ni Hesus
Atubangan sa Sanhedrin,
Dala ang pagka-
mapainubsanon
Atubangan sa mga
gamhanan,
Nga walay pagsupak
Aron misyon mapadayon,
Bisan unsang orasa,
Katesismo matuman.
Kini ang ikatulong
Krus sa dalan
Sa katekistang- alagad,
Sakipisyong mabulukon.

IV


Koronang Tunukon

Sa unang pagsulod,
Uban ang kalipay
Matag adlaw
Misyong katekesis
Sa mga batang badlungon
Apan sa paglabay sa panahon,
Namatikdan sa katekista
Ang hinayhinayng pagkawala
Sa interes sa pagpamati
Sa mga batang adunay
gibug-aton
Ang mga matang maluya
Tungod ang mga kinabuhi
Diay nila gikuso-kuso
Sa mga pagsulay sa balay:
Dili manimba mga
ginikanan,
Walay trabaho,
Buwag, dili minyo
Sama sa katekista'y
Gipurongpurongan sa
koronang
Tunok nga nilahos sa
kasingkasing,
Tungod kay gamay ra
Pagsabut sa sakramento.
Katilingban gialagaran
Sa mga bata nga tinudluan
Katekesis gikinahanglan.
Kini ang ikaupat
Krus sa dalan
Sa katekistang- alagad,
Sakipisyong mabulukon.



V

Krus




Sa matag adlaw adunay krus
Nga palas-unon ang
katekistang
Alagad sa Simbahan.
Gikan sa balay,unang
Responsibilidad gituman
Ug daling mananghid
Aron diha-diha maadtuan
Ang mga batang nagpaabot
Didto sa eskuwelahan
Moabut gihapon
Bisan plete kulang,
Nakahimo gihapon ug
pamaagi
Bisan ang pangpalit ug chalk
Ug papel nga gamitunon
Katekista ang mo abaga
Bisan unsa nga kantidad,
Bisan ingnong binuang,
Ug walay kapuslanan.
Aduna may kalisud
Sakripisyo ug kasakit
Pagdawat sa krus
Misyong katekesis.
Kini ang ikalimang
Krus sa dalan
Sa katekistang-alagad,
Sakipisyong mabulukon.

VI

Natumba

Tungod sa kasakit sa
kakapoy
Adunay mga higayon
Usab, katekista
nagakatumba
Nasakit, nawad-an
Ug kadasig. Gisaway.
Gidaut/gitamay sa mga
higala,
Giingong pangtakoban,
Gipasanginlang haw-ang
Ang kinabuhi sukwahi
Sa gitudlong pagtulun-an
Isip katekista.
Ang kahuyang tinuod,
Dili kini bugalbugal,
Apan kamatuoran kini sa
kinabuhi
Ang pag-ikyas sa kusog
Hangtud ang kinatibuk-an
Gisalig sa Dios nga
Gamhanan!
Kini ang ikaunom
Krus sa dalan
Sa katekistang-alagad,
Sakripisyong mabulukon.



VII

Simón Sireneo




Sa panahon sa
panginahanglan
Sa mga kalihukang-
katekesis
Daghang Simon Sireneo -
Mga maayong tawong
Sa katekista mao ang
nitabang.
Gikan sa mga Amahan
Ug daghang mga kauban
Sa nagkapuliking balay,
Aron libreng ihatud
Ang Nanay nga katekista
Sa unsa mang
panagtigom,
Ug libre usab sa pagkuha
Pagkahuman sa
panagtigom.
Hangtud sa kaubang
Isig katekistang
Kumare ug higala,
Andam magpautang
Bisan pa bayran ug dugay.
Kining misteryong-misyon
Nganong dili mabiyaan
Ang pagka katekista
Sa maestra nga Inahan.
Kini ang ikapitong
Krus sa dalan
Sa katekistang-alagad,
Sakripisyong mabulukon.

VIII

Pagtagbo

Ang mahimong katekista,
Bisan pa puno sa mga
sakripisyo
Adunay kalipay
Tungod sa misyong-
gitahak.
Daghang mahisugat
Nga kanunay mangutana,
Gani hustong tubag
Kanunay nga andam.
Kanus-a ang bunyag?
Kanus-a ang kasal?
Kinsay mupakumpisal?
Kanus-a ang kumpirma?
Asa ang agianan sa
prusisyon?
Nganong wala si Padre?
Asa man si Padre?
Adunay kasal si Padre?
Pwede ba magpa-bless
Bisan pa nagpahulay si
Padre?
Kining tanan impormasyon
Nga murag tubagonon
Sa katekista nga kanunay
Sulod sa Simbahan.
Kini ang ikawalong
Krus sa dalan
Sa katekistang-alagad,
Sakripisyong mabulukon.




IX

Gilansang



Kaikag ang gidala
Hinungdan sa
nakalansang
Hesus sa matag tigom
Sa mga misyonerong
katekista.
Simbolo sa pagtimaan
Sa Amahan, sa Anak
Ug Espiritu Santo.
Nagpahanundum sa
sakripisyong
Pagluwas sa mga kasal-
anang
Ang pisi nga dala
Giputol sa gugma,
Gihingpit sa paghigugma
Nagpabuto sa mga
gamut
Aron ang dugo
magreklamo
Makipagsupak nga
malinawon,
Walay kasuko,
Lunsay ang paghigugma
Sa gilansang nga Kristo
Ang kinatibuk-an
sa katekesis.
Kini ang ikasiyam
Krus sa dalan
Sa katekistang-
alagad,
Sakripisyong
mabulukon.



X

Dimas

Kinsa ba kanato
Ang dili kawatan?
Niadtong higayona
Tingali
Sa Dios giandam.
Kinsa ba kanato
Ang wala nangawat
Nianang pahiyom ug kalipay
Sa mga batang giuhaw
Sa mga pagtulun-an sa
Simbahan?
Kinsa ba kanato
Ang wala nakawatan
Sa kateketikal nga oportunidad
Sa matag pagbisita
Sa kapilya ug katedral,
Sa homiliya ni Father
Ug ni Bishop,
Sa yanong pag-abiabi
Sa isigka-Katoliko,
Sa panagtigum sa pag-ampo
Nga kanunay nga
gitambongan,
Sa kahigayunang unta
Nabati nato si Kristong
Haduol, ug murag sa luyo
Lang, bisan pa
Makadiyot, mag-estoryahay.
'Swerte pa si Demas
Tungod kay duol
Na estorya, si Kristong
Naglisud, pagsulti
Sa saad nga walay katapusan
Tungod sa pagbasul.
Ang nagbasul nga katekista

Matinud-anon sa
misyon.
Kini ang ikanapulo
nga
Krus sa dalan
Sa katekistang-
alagad,
Sakripisyong
mabulukon.

XI

Bilin




Ang mahimong katekista
Ug pagsalig nga gihatag
Anaay pahinumdom
Dakong tulubagon
Aron magpabiling buhi,
Matag pagtulun-an sa
ebanghelyo
Matag estorya sa bibliya
Matag tradisyong gitudlo
Matag estorya sa kabalaan
Uban ang paggiya
Ni apostol Juan,
Ang mapaduol kang Jesus
Iyahang mga higala.
Ug dala ang paghigugma,
Ni Maria atong inahan
Nga puno sa kasubo
Ang kasingkasing nasamdan
Sa kalisud sa Anak
Nagpugong nasaksihan.
Kay Maria gibilin
Ni Hesus ang Simbahan
Sa panahong mihanaw
Ang tanang paglaum
Sa hulgang kawad-an
Sa buhing kalibutan.
Katekista nga maka-Maria
Rosaryohan kanunay gunit
Sa katilingban nga
buluyagon
Katesismong awit.
Kini ang ikanapulog-usa nga
Krus sa dalan
Sa katekistang-alagad,
Sakripisyong mabulukon.

XII

Pagkamatay

Daghang higayong
gipamalandungan
Pagkamatay ni Hesus
Sa mga katekistang-
alagad.
Sa matag adlaw ang krus
Nga ilahang gipas-an
Alang sa misyong
Maipaambit ang mga
pagtulun-an
Sa Kristong buhi.
Apan sa pagkamatay
Sa Ginoong Hesukristo,
May pagtulun-ang dala-
Nga adunay katapusan
Ang matag-usa, adunay
sangputanan
Nga ang panimuot
Adunay gitakdang
katapusan,
Ug ang atong pag-ampo
Sa katapusang higayon,
Hugot nga gakson
Ang saad nga makauban
Sa saad nga langit
Tungod natuman na
Ang misyong natapos
Nga adunay pasalamat!
Kini ang ikanapulog-
duhang
Krus sa dalan
Sa katekistang-alagad,
Sakripisyong mabulukon.



XIII

Gipahiluna

Ang kinabuhi sa katekista
Matud sa kadaghanan,
Puno sa kalipay
Kalipay nga nakagamot
Sa gitubdan sa kasingkasing
Sa tinuod nga sulugoon
Tingog mao ang pagtoo
Tingog sa pagkabalaka
Ang tono mao ang
paghigugma
Awit sa gugma.
Sa dihang gipahiluna si
Hesus
Gihunghungan Niya
Mga katekistang-alagad,
Nga sa lyahang paghilom
Sa temporaryong
paghikatuog
Sa tulo ka adlawng -
kangitngit
Umawit sa pagdayeg
Pasalamat, pamalandong
Ug magmalig-on, ug magtoo
Bisag unsang suliran ug
Kangitngit, uban ang saad
Kinabuhi ug kahayag.
Kini ang ikanapulog-tulo
Krus sa dalan
Sa katekistang-alagad,
Sakripisyong mabulukon.



Photo credits
Stations of the Cross Coloring Pages <http://www.thecatholickid.com/stations-of-the-cross-coloring-pages/>

Copyright 2020
Layout design by Joanne C. Santiago
Translation version layout by Ma. Danielle Villena

XIV

Pagkabanhaw



Gipiling misyon mao
Ang mahimong katekista
Pero sa tinuoray -
Sila'y maampingong gipili
Sa Dios nga gamhanan,
Nga mahimong katabang
Sa mapailubong pag-atiman
Sa Simbahang Mahal.
Buhion ang pagtoong
Nangaluya ug pabalik-balik
Walay hunong,
nagpahinumdom
Sa mga importanteng
pagtulun-an
Bahin sa pagpangandam
Sa pagkabanhaw pag-usab!
Katekistang bahandi
Sa atong Simbahan.
Kini ang ikanapulog-upat
Krus sa dalan
Sa katekistang-alagad,
Sakripisyong mabulukon.

*Sinulat sa Sun Residences
at UST Chapel,
April 19, 2019, Biyernes
Santo, mula 10:00 ng umaga
hanggang 3:00 ng hapon.

KRUS NGA DALAN NIN KATEKISTANG-ALAGAD

MGA TULANG-PANANALIKSIK HANGO SA NATIONAL CATECHETICAL STUDY (NGS) 2016-2018

ni Clarence M. Batan, University of Santo Tomas

Gihubad sa Bisaya ni Fr. Nelson Santillan Plohimon, OAR, Archdiocese of Cebu

